


觀佛三昧海經

卷八

百字八
覆八

48649



元祿九年丙子二月日重脩

皇圖聖圖 帝階級呂

佛日增輝 懺輪常轉

山城州天安寺法金剛院置



佛說觀佛三昧海經卷第八

東晉天竺三藏法師佛陀跋陀羅譯

觀馬王藏品第七

佛告阿難未來衆生去何當觀如來陰馬藏
相陰馬藏相者我在家時耶輸陀羅及五百
侍女咸作是念太子生世多諸竒特惟有一
事於我有疑姝女衆中有一女子名修曼那
即白妃言太子者神人也毗陀經說若有神
人質性清淨以梵行故身根平滿太子今者
以梵行人納妃多載其諸姝女奉事歷年不
見身根況有世事復有一女名曰淨意白言
大家我事太子經十八年未見太子有便利



患况復諸欲尔時諸女各各異說皆謂太子
是不能男太子晝寢皆聞諸女欲見太子陰
馬藏相是時太子誓願力故應諸女人安徐
轉身內衣被發見金色身光明晃曜雙膝暫
開咸覩聖體平如滿月有金色光猶如日輪
諸女歡喜如此神人實可敬愛但於我等世
情望絕作是語已悲泣雨淚尔時太子於其
根處出白蓮華其色紅白上一下二三華相
連諸女見已復相謂言如此神人有蓮華相
此人云何心有染著作是語已噎不能言是
時華中忽有身根如童子形諸女見已更相
謂言太子今者現竒特事忽有身根如是漸

漸如丈夫形諸女見此滿已情願不勝喜悅
現此相時羅睺羅母見彼身根華華相次如
天劫貝一一華上乃有無數大身菩薩手執
白華圍遶身根現已還沒如前日輪此名菩
薩陰馬藏相如來今者成菩提道是六丈夫
具男子身復當為汝顯現男相佛告阿難汝

未出家時摩偷羅王有一乳母名頭牟娑乳
養彼王經十五載王既長大合掌長跪從王
求願白言大王我雖卑賤乳養大王勤劬歷
年伏惟大王乞賜一願王白乳母欲求何等
乳母即言在王宮中如功德天一切無乏惟
闕一事所謂女人情願所幸王白乳母當以

乳母配一大臣義同伉儷乳母不願白言大
王貴人多事非我所樂願勅國內一切男子
十五已上三十已還皆悉從我若能來者我
施彼人一大金錢形醜陋者當施銀錢時彼
國王報乳母恩造一高樓宣令國內勅諸男
子如上所願皆悉來集經歷年歲乳母衰老
多招諸女遂有五百一一女人復負諸婢種
種疰飾數滿八千時彼國王遘疾崩亡太子
紹位智臣白言先王報恩恣此老婢令王國
土如姪女村損辱國望實自不少用此何爲
宜時擯徙白已出外焚燒高樓驅逐諸女諸
女惶怖詣舍衛國旣到舍衛於四衢道造立

姪舍作媵如前舍衛大國多諸人衆臻諸女
家經一宿者輸金錢二百國有長者名如閻
達積財百億長者有子名曰華德兄弟三人
遊蕩無度竟奔姪舍始初一往各各皆輸金
錢十五日日夜夜恒輸金錢過倍常人經一
月中一歲金盡其父長者案行諸歲見一歲
空問守藏者此歲中金為何所在典藏白言
大家諸子日日持錢往姪女舍若不制止用
金當盡長者聞已椎胸大哭嗚呼賊子破我
家居手執大杖打兒母頭其婦號哭嗚呼賊
子生兒無益偷金歲盡父無訓範素不嚴勅
見打胡爲長者瞋恚號哭詣王腹拍王前白

言大王國將荒亂摩偷羅國諸羅刹女來住
此城破我家業王語長者汝甚大富金藏猶
盡況餘凡下寧不困耶長者白王惟願大王
速誅惡人王告長者吾受佛戒猶不傷蟻況
欲殺人長者聞此舉手拍頭白言大王臣聞
王者誅罰惡人為國除患當有何罪今日大
王與惡為伴縱諸姪女壞亂正法國荒民窮
戒將安存王告長者如來出世多所調伏鴛
掘摩羅氣噓梅陀羅大力鬼王羅刹魁膾一
切皆化今當詣佛啓白此事卿可小忍安慰
臣已駕乘名烏與諸侍從往詣祇洹為佛作
禮遶佛三匝合掌長跪白言世尊摩偷羅國

諸姪女等今來此間惑諸年少願佛化之佛
告大王却後七日佛自知之時波斯匿王禮
佛而退佛告摩訶迦葉汝往詣須達大長者
家可白檀越却後七日佛詣議場化諸姪女
須達聞已歡喜踊躍辦諸供具作七寶華高
十一丈置佛坐處懸繒幡蓋香汁灑地其日
已至王擊金鼓令諸國內諸論議師皆詣議
場須達長者請諸比丘比丘尼優婆塞優婆
夷一切皆集當設供養明日時到王與諸人
詣論議場長者如閻達遣梅陀羅喚諸姪女
須達長者亦白時到是時如來勅千二百五
十比丘汝諸比丘各隨定意現大神通上座

憍陳如與四比丘化作一窟大如雪山百千
蓮華一一華上有五比丘結加趺坐身出金
光令身金色端嚴可愛猶如弥勒復有化人
作十八變一一變中有十八比丘作十八變
神通可觀中有入三昧者中有經行者光明
迴旋猶如金山生諸寶華比丘在窟身心不
散飛到議場坐於上位鬱毗迦葉涌身空中
化作六龍槃身相結爲比丘座在其座上作
十八變飛至議場伽耶那提兄弟二人涌身
虛空化作大石窟入火光定作十八變飛至
議場大德摩訶迦葉著千納衣手擎鉢盂執
持威儀足步虛空步步之中化一寶樹一一

樹下有化迦葉經行林中作十八變亦至議
場大智舍利弗涌身空中作十八變身上出
千日光明赫奕不相障蔽身下出千月如秋
滿月團圓可愛作十八變飛至議場大目犍
連涌身空中化作八万四千師子座一一師
子閉目伏地白如雪山大目犍連坐其背上
作十八變飛至議場尊者優波離涌身空中
於虛空中鋪尼師壇結加趺坐入慈三昧身
諸毛孔流出金光作十八變飛至議場大迦
拏延涌身空中化作十五摩醯首羅一天
子乘一牛王頭上生華大迦拏處此華座
作十八變飛至議場所須菩提涌身空中冥

然不現但聞語聲說如此偈

一切法如性

無我無衆生

亦無婬欲想

當復教化誰

諸法本無性

亦無名字想

愛著故起欲

當復教化誰

說是語已作十八變飛至議場時阿那律涌

身空中化萬梵王作諸梵宮比丘處中作十

八變飛至議場羅睺羅難陀時二比丘涌身空

中化作寶樓比丘處中入深禪定作十八變

飛至議場如是千二百五十比丘各現異變

亦作十八種神通飛至議場尔時世尊獨將

阿難持尼師壇手執澡罐出尊在前阿難在

後從佛鉢盂中有六蓮華一一蓮華放金色

光照舍衛國令作金色澡罐水中有大金幢
其金幢頭有五百光一一光明化千化佛三
十二相皆悉具足足步虛空飛至議場波斯
匿王及諸大衆散華燒香爲佛作禮百千天
樂不鼓自鳴歌詠如來無量功德波斯匿王
長跪合掌勸請如來令化婬女佛坐華座爲
諸大衆略說苦空無常諸波羅蜜諸女不受
時女衆中有一婬女名曰可愛告諸女言沙
門瞿曇本性無欲人言不男故於衆中演說
苦空毀欲不淨若有身分皆具足者於大衆
中應去慙愧如尼捷子出身示我審有此相
我等歸伏爲其弟子若無此相虛說不淨此

無根人性自無欲去何不說欲為不淨說是
語已如來介時化作一魚如轉輪聖王為寶
時為脚間出一白華猶如鳥支漸漸拄地諸
女見已歡喜大笑各相謂言沙門善幻乃化
作此佛復化作一馬王像出馬三歲如瑠璃
筒下垂至膝諸女見已咸言是幻末利夫人
見此化相白諸比丘尼及優婆夷我等諸女
宜各退還姪女所說不可聽聞世尊大慈今
欲化之必作異變我等宜避禮佛而退佛勅
阿難汝告波斯匿王及諸比丘各自遊戲波
斯匿王白諸大德如來大慈欲化姪女我等
今者宜各速去作是語已却行而退惟此千

二百五十比丘侍立佛後佛告憍陳如將汝
徒衆經行林中五百比丘大智舍利弗爲衆
上首猶故合掌侍佛左右佛告舍利弗汝亦
隨意與諸論師論講所宜五百比丘隨舍利
弗後至華林中爲波斯匿王更說四諦惟阿
難在佛告阿難汝留坐具汝亦宜去作是語
已 是時世尊獨往女所是時諸女見佛獨在
高聲大笑白言沙門汝今爲有身分不耶佛
言我具男身是大丈夫諸女聞已掩口而笑
尔時世尊鋪尼師壇金剛地神化作金牀七
寶爲脚在坐具下佛坐其上標僧伽梨被僧
祇枝亦曾萬空今女見之諸女見字如百千

男子年皆盛壯顏貌竒特甚適女意佛復被
泥洹僧見佛身體泯然平滿有金色光猶如
千日諸女見已皆言瞿曇是無根人佛聞此
語如馬王法漸漸出現初出之時猶如八歲
童子身根漸漸長大如少年形諸女見已皆
悉歡喜時陰馬藏漸漸長大如蓮華幢一一
層間有百億蓮華一一蓮華有百億寶色一
一色中有百億化佛一一化佛百億菩薩無
量大衆以爲侍者時諸化佛異口同音毀諸
女人惡欲過患而說偈言
若有諸男子 年皆十五六 盛壯多力勢
數滿恒河沙 持以供給女 不滿須臾意

時諸女人聞此語已心懷慙愧懊惱躡地舉
手拍頭而作是言嗚呼惡欲乃令諸佛說如
此事我等懷惡心著穢欲不知爲患乃令諸
佛聞如此弊猶如盛火焚燒我等說是語時
見虛空中一切化佛廣爲諸女說不淨觀所
謂九想十想三十想數息安般諸女聞說不
淨觀法樂禪定樂不樂欲樂亦時世尊還攝
身光端坐金牀大衆雲集還到佛所波斯匿
王白言世尊如來出世多所利益乃於此處
現大光明況餘身分無量功德一切諸天在
虛空中亦讚如來百千梵行如來梵行乃得
如此勝陰馬藏沒無處所顯出金華化佛無

數是持戒報功德巍巍時諸女人聞此語已
四千女等發阿耨多羅三藐三菩提心二千
女人遠塵離垢得法眼淨二千女人於未來
世過十二劫次第當得辟支佛道長者如間
達見佛現化惡魔女人讚言善哉善哉如來
昔者破波旬軍今化諸女與本無異此相現
時無量諸天發菩提心波斯匿王所將士衆
有五百人求佛出家鬚髮自落身所著衣變
成袈裟應時即得阿羅漢道是時大衆見馬王
藏心歡喜者除五十億劫生死之罪禮佛而退
佛告阿難我昔夏安居時波羅奈國有一媼
女樓樓上有女名曰妙音昔日於佛有重因

緣我與難陀及將汝往此婬女舍日日乞食
此女於我不曾恭敬於難陀所偏生愛著已
經七日女心念言沙門瞿曇若能遣弟難陀
阿難從我願言我當種種供養沙門佛告阿
難難陀汝從今日莫往彼村世尊自獨執鉢
而行至女樓所一日至二日放金色光化諸
天人此女不悟後日世尊復將阿難難陀在
樓下行婬女愛敬二比丘故遙以衆華散佛
及二比丘阿難告言汝可禮佛女愛阿難應
時作禮尔時世尊化三童子年皆十五面貌
端正勝諸世間一切人類此女見已身心歡
喜為化年少五體投地敬禮年少白言丈夫

我今此舍如功德天福力自在衆寶莊嚴我
今以身及與奴婢奉上丈夫可備灑掃若能
願納隨我所願一切供給無所愛惜作是語
已化人坐牀未及食頃女前親近白言丈夫
願遂我意化人不違隨已所欲旣附近已一
日一夜心不疲厭至二日時愛心漸息至三
日時白言丈夫可起飲食化人即起纏綿不
已女生厭悔白言丈夫異人乃化人告言
我先世法凡與女通經十二日尔乃休息女
聞此語如人食噎旣不得吐又不得咽身體
苦痛如被杵擣至四日時如彼車轆至五日
時如鐵丸入體至六日時支節悉痛如箭入

心女作念言我聞人說迦毗羅城淨飯王子
身紫金色三十二相愍諸盲冥救濟苦人恒
在此城常行福慶放金色光濟一切人今日
何故不來救我作是念已惛惱自責我從今
日乃至壽終終不貪色寧與虎狼師子惡獸
同處一穴不貪色欲受此苦惱作是語已復
起飲食行坐共俱無奈之何化人亦瞋咄弊
惡女廢我事業我今共汝合體一處不如早
死父母宗親若來覓我於何自藏我寧經死
不堪受耻女言弊物我不用尔欲死隨意是
時化人取刀刺頸血流漫地塗汙女身逶迤
在地女不能勝亦不得免死經二日瘖瘖臭

黑三日腫脹四日爛潰大小便利及諸惡蟲
迸血諸膿塗漫女身女極惡狀而不得離至
五日時皮肉漸爛至六日時肉落都盡至七
日時惟有臭骨如膠如漆粘著女身女發誓
言若諸天神及與仙人淨飯王子能免我苦
我持此舍一切珍寶以用給施作是念時佛
將阿難難陀帝釋在前擎寶香爐燒無價香
梵王在後擎大寶蓋無量諸天鼓天伎樂佛
放常光照曜天地一切大衆皆見如來詣此
女樓時女見佛心懷慙愧藏骨無處取諸白
氈無量衆香纏裹臭骨臭勢如故不可覆藏
女見世尊為佛作禮以慙愧故身映骨上臭

骨忽然在女背上女極慙愧流淚而言如來
功德慈悲無量若能令我離此苦者願爲弟
子心終不退佛神力故臭骨不現女大歡喜
爲佛作禮白佛言世尊我今所珍一切施佛
佛爲呪願梵音流暢女聞呪願心大歡喜應
時即得須陀洹道五百侍女聞佛音聲皆發
無上菩提道心無量梵衆見佛神變得無生
忍帝釋所將諸天子等有發菩提心者有得阿
那含者佛告阿難我昔初成道時伽耶城邊
住熙連河側有五尼捷第一尼捷名薩闍多
五百徒衆餘四各有二百五十弟子時諸尼
捷自稱得道來至我所以其身根遶身七匝

來至我所鋪草爲座即作此語瞿曇我無欲
故梵行相成我之身根乃能如此如自在天
我今神道過踰沙門百千萬倍沙門作一
我當作二即於地中化作一樹以其身根絞
繞著樹滿七布已今樹雲霧如龍王氣高聲大
喚舉手唱言瞿曇我梵行相事驗如此汝稱
男子言大丈夫以何爲證尔時世尊化作寶
架寶架兩頭有十四珠一一明珠有千光明
一一光明化成化佛作十八變住立空中世
尊現化倒住空中脚在架上時佛二足出千
蓮華一一蓮華萬億光明一一光明有百億
寶臺一一臺中無數化佛一一化佛各攝一

脚猶如卷鎖令脚不現一切化佛及釋迦文
悉懸一脚倒住空中惟諸尼捷見佛倒住無
量天龍八部鬼神見佛世尊安坐講堂敷演
大法所謂無相無我等法時空有聲告諸尼
捷佛已作一汝可作二時諸尼捷即自騰擲
手搏樹枝抱樹而立盡尼捷術不能倒立樹
神現身手搏其耳罵言狂人汝如小蟲敢與
獸王師子共戰汝向大喚佛若作一我當作
二佛今已住大神通力汝何不爲樹神罵已
地神堅牢即從地出住立空中以大鐵鎖鎖
尼捷脚倒懸空中有五夜叉以杖搥之尼捷
痛急自掣墜地未至地頃有一尼捷稱南無

佛世尊以手接取尼捷今身不痛時諸尼捷
既至地已妬心不歇語地神言汝無慈心偏
為瞿曇汝宿罪故受夜叉身在此地下今日
復更無慈普愛但為瞿曇困苦我等時恒河
神飛住空中手執大石告言尼捷如汝癡人
服食牛糞石灰塗頭令髮墮落裸形無耻猶
如驢馬亦如貧龍不能潤益如來佛日普照
一切汝今去何持黑闇身與日爭光尔持水
神唱是語已勸請世尊伏諸尼捷

尔時世尊告諸尼捷汝等不知如來身分若
欲見者隨意觀之如來積劫修行梵行在家
之時無邪欲想心不染累故得斯報猶如寶

馬隱顯無常今當爲汝少現身分尔時世尊
從空而下即於地上化作四水如四大海四
海之中有須彌山佛在山下正身仰卧放金
色光其光是曜映諸天目徐出馬藏遶山七
帀如金蓮華華華相次上至梵世從佛身出
一億那由他雜寶蓮華猶如華幢覆蔽馬藏
此蓮華幢有十億層層有百千無量化佛一
一化佛百億菩薩無數比丘以爲侍者化佛
放光照十方界尼捷見已大驚心伏佛梵行
相乃至如此不可思議形不醜惡猶如蓮華
我今頂禮佛功德海佛智無邊不可窮盡受
我懺悔攝取我等作此語已五百尼捷合掌

叉手長跪在地求佛出家佛言善來比丘佛
勅迦葉爲辦衣服迦葉卽時至仙人所告大
仙人今日卍尊伏諸尼捷唯願仙士施少衣
裳時諸仙人取好樹皮多羅樹葉裁縫爲衣
時仙人師名曰光目合掌叉手告諸弟子佛
德無量弘誓周普乃攝受此著邪見人我宜
辦衣給裸形者亦敬佛寶可脫諸苦說是語
已從迦葉後至卍尊所五百仙人見蓮華臺
從佛身出如衆蓮華圍遶須弥上至梵卍時
諸仙人見此事已歡喜合掌敬禮卍尊諦觀
卍尊目不暫捨見佛眉間白毫相光右旋宛
轉及見佛身一切衆相作是思惟此相好者

必從前卅無縛無著無我無作無心無識無
人無物無施無受清淨檀波羅蜜生亦隨一
切平等無相大智空慧般若波羅蜜生思是
義已應時即得無生法忍五百尼軋著僧伽
梨爲佛作禮未舉頭頃應時即得阿羅漢道
三明六通具八解脫一一尼捷誓願當度五
百尼捷現此相時無量諸天龍夜叉衆見佛
梵行清淨果報身心歡喜發阿耨多羅三藐
三菩提心佛告阿難佛滅度後天衆龍衆夜
叉衆沙門衆婆羅門衆問佛卅尊過去卅時
清淨無欲修諸梵行得何果報汝當荅言佛
有馬王葳相與身平等七合盈滿如金剛器

中外俱淨為度衆生出現是相化佛光明妙
蓮華雲其數無量如此身者從無數世無染
安隱善持戒慧尸波羅蜜生佛勅阿難佛滅
度後佛諸弟子欲觀如來陰馬藏相當作是
觀如是觀者是名正觀若異觀者名為邪觀
佛滅度後佛諸弟子若有繫心正念思惟佛

梵行相化佛光明者常於夢中見十方佛此
人生生恒修梵行除却二十万劫生死之罪
說是相時夜叉衆中八千夜叉身心歡喜讚
歎如來無量德行應時即發阿耨多羅三藐
三菩提心

觀佛三昧海經卷第八

覆


噓於結劬音伉儷上音苦麗反遘古候擯徙下

紫反臻側巾問音驢犯音魁膾上音苦回反澡罐上

早下泯彌忍咄丁音透迤上音烏為反瘡瘡上

音賈漬携對膠音漆音粘尼沾熙許之絞古正

果胡反又裁縫二字音他直余





4 28 1000